



CENTRO DE SERVIZOS SOCIAIS
Rua A Laguna, 44, 4 baixo drta.
15160 Sada
Tfnos. 981.62.05.67/



Informe - Proposta de Bases reguladoras de participación nas actividades sociais para maiores de 55 anos.

1. Obxecto.-

As actividades sociais dirixidas as persoas maiores de 55 anos, promovidas pola Concellería de Benestar Social e Igualdade, teñen como finalidade contribuir a un envellecemento saudable e fomentar a autonomía persoal, promove-la participación e integración social das persoas, e previr situación de risco de exclusión social.

Para elo desenvólense diferentes actividades orientadas ao fomento da calidade de vida e autonomía persoal, ao fomento da creatividade e expresión artística e a participación social.

2. Destinatarios.-

As actividades sociais están dirixidas as persoas que teñan cumpridos os 55 anos, e maiores desa idade.

Excepcionalmente poderán participar persoas que, sin acadar a idade de 55 anos, sexan titulares do certificado oficial de minusvalía e/ou acrediten a través dun informe médico a idoneidade da actividade elixida. Dito informe deberá ser emitido por un profesional do Servizo Galego de Saúde,

Do mesmo xeito, tamén poderán participar persoas que se atopen nunha situación de risco ou exclusión social, previo informe favorable do/a técnico/a dos servizos sociais do concello. Estas persoas quedarán exentas da aportación económica, salvo que no informe conste o contrario.

3. Requisitos.-

De xeito xeral, as persoas participantes deberán cumprir os seguintes requisitos:

Ter 55 anos cumpridos o día anterior áo remate do prazo da solicitude (salvo excepcións recollidas no epígrafe anterior)

Non ter débedas pendentes co concello de Sada pola participación nas actividades sociais de maiores de 55 anos en anteriores edicións.

Terán preferencia as persoas empadroadas e con residencia efectiva no concello de Sada.

4.- Temporalización e lugar de realización.-

As actividades sociais para maiores de 55 anos desenvólense dende o mes de outubro do ano en curso ata o mes de xuño do ano seguinte.

Haberá os seguintes **periodos vacacionais**:

Nadal: Do 22 de decembro ao 6 de xaneiro (ambos inclusive)

Entroido: O luns, martes e mercores de entroido segundo o calendario anual.

Semana Santa: Xoves e Venres da "semana santa" correspondente, segundo o calendario anual.

Lugar de realización do programa de actividades sociais :

Centros municipais:

Local Social de Riobao (antigua cámara agraria)

Local anexo ao servizos sociais comunitarios (A Laguna 44)

O concello de Sada reservase o dereito de efectuar as modificacións nas instalación, horarios , profesorado etc., que se consideren necesarias, ou anular algunha actividade por motivos organizativos, así como incluír outras novas.

5. Forma de inscrición e prazos.-

O prazo ordinario de **inscrición será do 6 ao 18 de setembro** do 2018 (ambos inclusive) en horario de 9 a 14 horas.

As solicitudes presentaranse nas oficinas do concello, no rexistro xeral, no modelo autorizado para tal fin.

Dito modelo pode recollerse nesas oficinas e/ou nos servizos sociais do concello.

Unha vez rematado o prazo de inscrición publicarase a listaxe provisional. A partir do día seguinte desta publicación, abrese un prazo de dez días hábiles para posibles subsanacións ou reclamacións.

Si se dera o caso, e logo de realiza-las subsanacións oportunas, que houbera mais solicitudes que prazas en cada unha das actividades, farase un sorteo público para a asignación das mesmas.

O resultado de dito sorteo será publicado mediante a publicación das listaxes de persoas que obtiveron praza, así como do prazo que disporán para a formalización da mesma.

Para a formalización da praza deberán realiza-lo pago do primeiro trimestre, abonando a cantidade de 15€, por cada unha das actividades nas que esté admitid@. Farán o ingreso na entidade bancaria que se indique.

A non formalización da inscrición no prazo indicado suporá a súa renuncia pasando o dereito as persoas que se atopen na lista de agarda.

Finalmente aprobarase a listaxe definitiva de admitidos, excluídos e agarda que se publicará nos correspondentes taboleiros.

No caso de existir prazas vacantes ao longo do curso serán chamadas as persoas que se atopen en lista de agarda.

Prazo extraordinario: en calquera momento durante o curso sempre que se dispoña de suficientes prazas vacantes e non de persoas en agarda.

6. Sorteo público, programa de actividades e n.º de prazas .

Será necesario un mínimo de 7 participantes para que se poida desenvolver a actividade.

Na medida do posible, naquelas actividades onde a demanda sexa superior a oferta, cabe a posibilidade de creación de novos grupos.

Cando a demanda sexa superior as prazas ofertadas, as prazas serán cubertas por sorteo público que se realizará unha vez sexa publicada a lista provisional e o período establecido para a subsanación de erros e/ou reclamacións.

O programa inicial de actividades sociais para maiores de 55 anos para o curso 2018-2019 inclúe as seguintes actividades e prazas:

- **Reforzo da Memoria:** 45 prazas en tres grupos de 15 persoas.
- **Ximnasia Terapéutica:** 60 prazas en catro grupos de 15 persoas.
- **Tai-chi:** 45 prazas en tres grupos de 15 persoas.
- **loga:** 45 prazas en tres grupos de 15 persoas.
- **Pintura:** 30 prazas en dos grupos de 15 persoas.
- **Restauración:** 15 prazas.

O concello poderá variar o número de grupos en función da demanda, así como organiza-los mesmos en función dos intereses das persoas participantes (grupos por niveis) e de criterios organizativos.

A duración de cada actividade é de dúas horas.

Na medida do posible os horarios de cada actividades serán segundo os establecidos no curso anterior.

Cada persoa poderá solicitar ata tres actividades diferentes, pero tan só nun horario/grupo de cada unha delas. E dicir non poderá solicitarse participar en mais dun horario da mesma actividade.

7. Prezos e períodos de pagamento.-

Os prezos de aplicación para o programa de actividades sociais de maiores de 55 anos serán os que se establezan no informe de prezo público dos Servizos Económicos municipais.

Establecense tres pagos (trimestrais) de 15€ cada un, por cada unha das actividades, segundo a ordenanza reguladora de prezo público.

Os/as participantes deberán ingresar o pago do primeiro trimestre, nas datas que se indique, no seguinte número de conta:

ABANCA	ES4020805161853110007604
--------	--------------------------

Unha vez realizado o pagamento deberán achegar unha copia do xustificante do pago aos servizos sociais.

Xunto co impreso de solicitude deberá presentarse documento de designación da conta bancaria, selado pola entidade bancaria ou vir acompañado do certificado da conta cliente, proporcionado pola entidade bancaria (non será válido un recibo bancario nin a copia da cartilla).

Os servizos económicos serán os encargados de realizar os cargos correspondentes ao segundo e terceiro trimestre.

En caso de querer cambiar os datos de domiciliación da conta bancaria durante o curso deberán entregar no rexistro xeral do concello unha solicitude de cambio de datos aportando o novo documento de designación da conta bancaria.

Cabe a posibilidade de exención de pago das cotas, cando se trate dunha situación de risco e/ou exclusión social, valorada tecnicamente a través do correspondente informe dos servizos sociais e co visto e prace da concelleira.

8. Baixa na actividade.-

A baixa na actividade deberá presentarse no rexistro oficial do concello, mediante o modelo de baixa correspondente.

As baixas que se presenten entre o 1 e 15 de cada mes, surtirán efectos a partir do primeiro día do mes seguinte. As baixas que se presenten a partires do día 16, causarán efecto a partires do primeiro día do segundo mes posterior.

A efectos económicos as altas e baixas no medio dun trimestre non exime do pago da totalidade do mesmo.

En Sada a 28 de agosto do 2018,



Asdo. Ana Cobas García
Traballadora Social. Coordinadora.

Vº e prace,



Asdo. Isabel Reimundez
Concelleira de Benestar Social e Igualdade